



Na osnovu člana 7. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“ broj: 51/16), člana 96. Pravila JU Osma osnovna škola „Amer Čenanović“, po osnovu Instrukcije Ministarstva za obrazovanje, nauku i mlade KS za donošenje Pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domovima učenika, broj: 11-01-14-32424/17 od 02.11.2017.godine, Školski odbor na sjednici održanoj dana 01.12.2017. godine donosi **prijedlog**

## **P R A V I L N I K A**

### **O STICANJU I RASPODJELI VLASTITIH PRIHODA JU OSMA OSNOVNA ŠKOLA „AMER ČENANOVIĆ“ ILIDŽA**

#### **I. OPĆE ODREDBE**

##### Član 1.

( Predmet Pravilnika )

- (1) Ovim Pravilnikom utvrđuju se vlastiti prihodi, način sticanja i način korištenja vlastitih prihoda **JU Osma osnovna škola „Amer Čenanović“ Ilidža** ( u daljem tekstu: Škola ).
- (2) Pravilnik se donosi u skladu sa članom 14. Instrukcije Ministarstva za obrazovanje, nauku i mlade Kantona Sarajevo za donošenje Pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domovima učenika, broj: 11-01-14-32424/17 od 02.11.2017.godine .

##### Član 2.

( Pripadnost prihoda )

Vlastiti prihodi Škole su javni prihodi Budžeta Kantona Sarajevo (u daljem tekstu: Budžet), a raspoređuju se u skladu sa Instrukcijom navedenom u članu 1. stav 2. ovog Pravilnika.

##### Član 3.

( Pojam vlastitih prihoda )

- (1) Pod vlastitim prihodima u smislu ovog Pravilnika podrazumijevaju se prihodi koje Škola ostvaruje obavljanjem osnovne djelatnosti i ostalih poslova na tržištu.
- (2) Pod vlastitim prihodima Škole ne podrazumijevaju se prihodi koje Škola ostvari obavljajući osnovnu djelatnost propisanu Zakonom o osnovnom odgoju i obrazovanju Kantona Sarajevo ili drugim propisima o osnivanju, za koju je propisima utvrđena visina naknade za usluge koje pružaju pravnim i fizičkim licima, kao ni prihodi ostvareni u internom poslovanju između Škola kao javnih ustanova Kantona Sarajevo.

##### Član 4.

( Način uplate vlastitih prihoda )

- (1) Uplata i evidencija vlastitih prihoda vrši se u skladu sa Uredbom o utvrđivanju vlastitih prihoda, načina i rokova raspodjele Vlade Kantona Sarajevo („Službene novine Kantona Sarajevo“ broj: 51/16).

(2) Prihodi se uplaćuju na depozitni račun Budžeta Kantona Sarajevo, a mogu se naplaćivati i u gotovini.

(3) Škola je dužna vlastite prihode ostvarene u gotovini uplatiti na depozitni račun i to najkasnije narednog radnog dana od dana naplate istih, a naplaćena gotovina se ne može koristiti za izmirenje tekućih obaveza.

(4) Uplata i evidentiranje vlastitih prihoda vrši se u skladu sa Pravilnikom o načinu uplate Javnih prihoda budžeta i vanbudžetskih fondova na teritoriji Federacije Bosne i Hercegovine i Uputstvom o izvršavanju budžeta sa Jedinsvenog računa Trezora („Službene novine Federacije Bosne i Hercegovine“, broj 34/16).

#### Član 5.

(Vrijeme ostvarivanja vlastitih prihoda)

(1) Škola može ostvarene vlastite prihode koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

## II. STICANJE VLASTITIH PRIHODA

#### Član 6.

(Vrste prihoda)

(1) Pod vlastitim prihodima u smislu ovog Pravilnika podrazumjevaju se prihodi koje Škola ostvari od :

- 1) Prodaje otpadnog materijala
- 2) Prodaje proizvoda i usluga koje izrađuju učenici u toku praktične nastave
- 3) Izdavanja prepisa/duplikata dokumenata;
- 4) Participacija u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.)
- 5) Realizacije pedagoško-metodičke prakse studenata (hospitovanje - u skladu sa mogućnostima).
- 6) Iznajmljivanja prostora;
- 7) Iznajmljivanja opreme;
- 8) Ustupanja tenderske dokumentacije u postupku javnih nabavki;
- 9) Kopiranja i uvezivanja pisanih materijala;
- 10) Reklamno-propagandnih usluga;
- 11) Pružanja usluga učenicima za produženi boravak ( ako isti bude uspostavljen )

#### Član 7.

(Cijene naknada)

(1) Naknade za realizaciju usluga iz člana 6. ovog Pravilnika utvrđuju se kako slijedi:

a.) Izdavanje prijepisa/duplikata dokumenata:

1. izdavanje prijepisa duplikata svjedodžbe/diplome.....20 KM
2. izdavanje izvoda iz nastavnog plana i programa.....60 KM

b.) Izdavanje poslovnih prostora u zakup i iznajmljivanje opreme vrši se u skladu sa zakonom i podzakonskim aktima kojima se reguliše izdavanje poslovnih zgrada i prostorija, a navedeno izdavanje, kao i visinu naknade za zakupninu utvrđuje Školski odbor JU Osma osnovna škola „Amer Čenanović“ Ilidža.

1. Za iznajmljivanje sale za tjelesni odgoj utvrđena je sljedeća cijena:

- Za klubove cijena po terminu, do 18,00 sati ..... 15,00 KM, a za termine od 18,00 do 24,00 sata ..... 25,00 KM.

- Za korisnike za rekreaciju, cijena po terminu .....40,00 KM.
- Cijena termina na vanjskom terenu: do 20,00 sati ..... 40,00 KM, a za termine od 20,00 do 24,00 sata .....50,00 KM.

Cijene se odnose na korištenje termina u trajanju od 90 minuta.

2. Ukoliko direktor škole zaključi ugovor sa određenim subjektom u drugačijem trajanju, a cijena nije utvrđena od strane Školskog odbora, isti može postati validan, donošenjem zaključka/odluke o cijeni od strane Školskog odbora.

c.) 1. Naknada za produženi boravak za grupe učenika je utvrđena, kako slijedi (naknada po učeniku):

- od 16 do 21 učenika.....200 KM
- od 22 do 27 učenika .....185 KM
- od 28 do 32 učenika .....170 KM

2. Navedena naknada se ima koristiti samo ukoliko dođe do uspostave produženog boravka u Školi.

d.) Visinu ostalih naknada za usluge koje realizuje Škola, a koje nisu obuhvaćene ovim članom, utvrđuje Školski odbor JU Osmo osnovna škola „Amer Čenanović“ Ilidža, a ovisno o vrsti postupka koji se sprovodi, načinu sprovedbe navedenog, propisa koji ih određuju i sl.

#### Član 8.

(Saglasnost roditelja za pojedine vlastite prihode)

(1) Škola, uz saglasnost roditelja, može vršiti organizovanu nabavku svjedodžbi, zadaćnica, đачkih knjižica, fotokopiranje, osiguranje učenika, nabavku karti za kino, pozorište i sl. ukoliko se radi o participaciji roditelja.

### III. NAČIN I ROKOVI RASPODJELE VLASTITIH PRIHODA

#### Član 9.

(Raspored vlastitih prihoda i planiranje rashoda)

(1) Ostvareni vlastiti prihodi, u cijelosti se raspoređuju budžetskom korisniku JU Osmo osnovna škola „Amer Čenanović“ Ilidža koja je navedeni prihod ostvarila.

(2) Škola je dužna, na osnovu planiranih vlastitih prihoda, planirati i rashode koje će pokriti iz tih prihoda.

#### Član 10.

(Način raspodjele stečenih vlastitih prihoda)

(1) Stečeni vlastiti prihodi se imaju utrošiti shodno ovom Pravilniku kako slijedi:

a.) Prihodi stečeni od uplaćene naknade za produženi boravak (ukoliko isti bude uspostavljen) raspoređuju se na slijedeći način:

- 50% za materijalne troškove, tekuće održavanje i nabavku opreme,
- 40% za naknadu radnicima koji su sudjelovali u realizaciji poslova,
- 10% za stručno usavršavanje, sportske i kulturne aktivnosti, takmičenja, nagrade učeniima, ekskurzije i ostale namjene.

b.) Prihodi stečeni od uplaćene naknade za prodaju otpadnog materijala i prodaje proizvoda i usluga koje učenici izrađuju u toku praktične nastave, raspoređuju se na slijedeći način:

- 20% za materijalne troškove, tekuće održavanje i nabavku opreme,
- 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

c.) Prihodi stečeni od uplaćene naknade za izdavanje prepisa/duplikata dokumenata, raspoređuju se na slijedeći način:

- 40% za materijalne troškove, tekuće održavanje i nabavku opreme,
- 30% za naknadu radnicima koji su sudjelovali u realizaciji poslova,
- 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene

d.) Prihodi stečeni od uplaćene naknade za reklamno-propagandne usluge, iznajmljivanje opreme izdavanja prostora u zakup i ustupanje tenderske dokumentacije u postupku javnih nabavki i kopiranja i uvezivanja pisanog materijala raspoređuju se na sljedeći način:

- 70% za materijalne troškove, tekuće održavanje i nabavku opreme,  
- 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

e.) U slučaju načina sticanja vlastitih prihoda iz člana 8. analogno se primjenjuju odredbe člana 10. stav 6. Instrukcije za donošenje Pravilnika sa kriterijima za sticanje i raspodjelu vlastitih prihoda budžetskih korisnika – predškolskih ustanova, osnovnih i srednjih škola i domova učenika.

#### Član 11.

(Korištenje vlastitih prihoda škole za plaće)

(1) JU Osmo osnovna škola „Amer Čenanović“ Ilidža može koristiti vlastite prihode za plaće i naknade radnicima u slučaju kada sredstva stiže *po osnovu produženog boravka i izdavanja prepisa/duplikata dokumenata*.

(2) U drugim slučajevima, Škola prihode za plaće koristi samo u izuzetnim slučajevima uz saglasnost Ministarstva za obrazovanje, nauku i mlade Kantona Sarajevo.

### IV. PRAĆENJE NAPLATE I RASPOREĐIVANJE VLASTITIH PRIHODA

#### Član 12.

(Praćenje naplate i pravovremenost raspoređivanja vlastitih prihoda)

(1) Škola je dužna da redovno prati, putem izvještaja koji dobije od Ministarstva finansija, dospelost i naplatu vlastitih prihoda.

(2) Direktor škole je odgovoran za potpuno i pravovremeno uplaćivanje vlastitih prihoda na depozitni račun, putem računovodstvene službe škole - samostalnog referenta za plan i analizu.

(3) Škola je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

### V. KONTROLA UTROŠKA VLASTITIH PRIHODA

#### Član 13.

(Izvještaj o utrošku)

JU Osmo osnovna škola „Amer Čenanović“ Ilidža je dužna jedanput u 6 (šest) mjeseci Ministarstvu za obrazovanje, nauku i mlade Kantona Sarajevo dostaviti izvještaj o sticanju i utrošku vlastitih prihoda.

### VI. ZAVRŠNE I PRIJELAZNE ODREDBE

#### Član 14.

(Izmjene i dopune)

(1) Izmjene i dopune ovog Pravilnika vrše se na način i po postupku predviđenom za njegovo donošenje.

#### Član 15.

(Stupanje na snagu)

(1) Ovaj Pravilnik se donosi na osnovu Instrukcije Ministarstva za obrazovanje, nauku i mlade Kantona Sarajevo za donošenje Pravilnika o kriterijima za sticanje i raspodjelu vlastitih prihoda budžetskih korisnika-predškolskih ustanova, osnovnih i srednjih škola i domovima učenika, broj: 11-01-14-32424/17 od 02.11.2017.godine i stupa na snagu odlukom Školskog odbora, a poslije dobijenog mišljenja Ministarstva finansija Kantona Sarajevo i saglasnosti Ministarstva za obrazovanje, nauku i mlade Kantona Sarajevo.

(2) Stupanjem na snagu ovog Pravilnika prestaje da važi Pravilnik o kriterijima za sticanje i raspodjelu vlastitih prihoda JU Osma osnovna škola broj 38-II-1024/11 od 21.09.2011. godine i ranije doneseni prijedlog Pravilnika broj: 38-II-49/17 od 20.01.2017. godine.

Djelovodni broj:38-II-721-1/17

Datum: 01.12.2017.

PREDSJEDNICA ŠKOLSKOG ODBORA

---

*/Dženana Čenanović/*

**DOSTAVITI:**

- *Ministarstvu za obrazovanje, nauku i mlade KS-na saglasnost,*
- *Ministarstvu finansija KS-na davanje mišljenja*
- *Računovodstvu*
- *a/a 2x*